



DEN NORSKE KYRKJA

Ulstein sokneråd - Ulstein kyrkjelege fellesråd

Innkalling til møte i Ulstein sokneråd

Tid: 11.02.2026 kl. 19:00

Stad: Kyrjekontoret

Desse møtte:

Odd Arne Vikebakk	Leiar
Silje Kiperberg Aksnes	Medlem
Linda Hasund	Medlem
Cecilie Frantsen Skeide	Medlem
Øyvind Grimstad Hagen	Medlem
Berge Myrene	Medlem
Ingrid Redse Mjaaseth	Medlem
Mirjam Håland Igland	geistleg representant
Stian Skorgen Scheide	kommunal representant
Monica Leine Tokheim	2. vara
Janne Fylsvik Rønningen	3. vara
Christfried Kaul	sekretær

Forfall:

Gunn Marthe Veddegjerde Pieroth	Medlem
Beate Hopland Langnes	1. vara

Sakliste:

Saksnr	§	Sakstittel	
F-2026/01		Fornyning av delegasjonsreglement	
F-2026/02		Fornyning av økonomireglement	
F-2026/03		Søknader frå gravplassarbeidarane om løysingar på Osnes gravplass	
F-2026/04		Val av representantar til digitaliseringsutval	
S-2026/05		Årsmelding for Ulstein sokn 2025	
S-2026/06		Justering av møtedatoar USR /UFR for våren 2026 og dato for årsmøtet	

Godkjenningar:

Godkjenning av innkallinga.: Innkalling godkjend.

Godkjenning av sakliste: Sakliste godkjend. Endra rekkefølge godkjend.

Meldingar:

F 001 Skade på grunnmuren til Ulstein gamle kyrkjestad

Vedlegg: e-post til fylkeskonservator
dokumentasjon skader

Onsdag, 14.01. fekk vi melding om at deler av muren som omkransar Ulstein gamle kyrkjestad har ramla ut. Det gjeld sørsida der Ulstein gamle kyrkjestad grenser mot ein gardsveg. Skadane er dokumenterte. Det er sendt spørsmål til fylkeskonservator for å få innspel til planlegging av istandsetting. Område er sikra mot tilgang med eit provisorisk gjerde.

Kommentar: FR- leiar viser til synfaring 11.02., og kyrkjevevje skisserer planen for arbeidet med sikring og prosjektering for istandsetting med omsyn til vern.

F 002 Hærverk på Osnes kyrkjegard

Søndag, 18. januar fekk vi melding om mange brotne gravlykter, nokre velta gravstøtter og lause gravstøtter. Det er mistanke om hærverk på gravlyktene og det er oppretta sak hos politiet. Sekretær, gravplassarbeidar og kyrkjevevje har inspisert alle gravstøttene på Osnes kyrkjegard og informert festarane for gravene som er berørte av dette.

F 003 Godkjenning planane for namna minnelund på Osnes kyrkjegard

Vedlegg: godkjenningsbrev frå Statsforvalteren i Vestfold og Telemark

Statsforvaltaren har 22.01.2026 godkjent planane som er utarbeidd for namna minnelund på Osnes kyrkjegard. Aurvoll & Furesund står for gjennomføring av planane. Det er søkt om byggeløyve og det er sendt nabovarsel. Arbeidet vil starte snarast råd.

Kommentar: Kyrkjevevje viser til oppstartsmøtet 11.02. FR- leiar minner om orientering til festarar i nærleiken og ei orientering i lokalavisa.

F 004 Innspel til høyring

Vedlegg: e-post med innspel til Handlingsplan Tiltak for trygg trafikk til og frå skuleområdet i Ulsteinvik

Handlingsplanen låg ut til høyring og sidan parkeringssituasjonen rundt Ulstein kyrkje vil verte påverka vesentleg av dette, har Ulstein sokn gitt høyringssvar med håp om å finne høveleg løysingar.

F 005 Betaling av mva for gravstell og tenester på gravplassen

Ulstein sokn har teke på seg fleire gravstellavtalar i løpet av 2025 og det har også auka etterspørsel om oppretting / flytting / fjerning av gravstøttene. Inntektene har brutt ei grense på kr. 50.000. Med dette plikter soknet å betale mva på desse tenestene. For kundane vil da tenestene frå 2026 av vere 25% dyrare.

F 006 Signert avtale om samordning av HMS med Møre bispedøme

Vedlegg: mal for fornya avtalen / signert avtale

Ulstein kyrkjelege fellesråd har, som alle fellesråd i Søre Sunnmøre prosti inngått avtale om samordning av HMS- arbeidet. Det er ein fornya avtale på grunnlag av den første avtalen,

utarbeidd i 2018. Sidan begge arbeidsgjevarlinjene har tilsette i dei lokale stabane er avtalen eit godt grunnlag for å ha ein god felles HMS- standard på arbeidsplassane i prostiet.

F 007 Godkjenning av fornya belysningsløyising i Ulstein kyrkje

Vedlegg: *godkjenningsbrev frå biskopen*

Biskopen i Møre har den 19.12.2025 godkjent belysningsløyising for Ulstein kyrkje. Det er holdt anbodskonkurranse og den valgte leverandøren har iverksatt bestilling. Installasjonen skal vere gjennomført før påske.

Kommentar: Berge Myrene orienterte om framdrift på prosjektet og at ein ser fram føre seg at heile installasjonen skal gå føre seg saman og ikkje oppdelt.

F 008 Søknad om forpliktande samarbeid mellom fellesråd

Kyrkjeverjene og fellesrådsleiarane i Vanylven, Sande, Herøy, Hareid og Ulstein har den 03.12. 2025 vurdert ein felles søknad på midlar for organisasjonsutvikling for samarbeid / samanslåing av fellesråd. Fristen for søknaden var 31.01.2026.

Gruppa har konkludert med at prosessen er ikkje kome langt nok til å kunne levere ein god nok søknad. Men fellesrådsleiarane og kyrkjeverjene er positive til å utvikle eksisterande samarbeid vidare og prøve seg på nye område.

F 009 Stoda orgelreparasjon

Kantor og kyrkjeverje jobbar framleis med å hente inn samanliknbare tilbod for reparasjonen av orgelet.

Kommentar: Kyrkjeverje orienterte om synfaring av orgelbyggjar, omfang av arbeidet, anbodsprosessen og vegen vidare.

F 010 Møte for fellesråds- og soknerådsleiarar i Søre Sunnmøre prosti

Onsdag, 25.02.2026 blir det invitert til eit møte på Ørsta bedehus med tema:

- *Korleis startar vi ei vellukka gjevarteneste for kyrkjelydsarbeid?*
- *Erfaringsutveksling frå arbeid i sokneråd og fellesråd etter litt over to år etter kyrkjevalet*

Møtet er først og fremst for leiarar /nestleiarar i sokneråd og kyrkjelege fellesråd, kyrkjeverjer, prestar og prosten, men møtet er open for sokneråds- og fellesrådsmedlemar som ønskjer å delta.

Kommentar: Val av representant til intervju / innstillingsråd frå Søre Sunnmøre prosti skal også veljast på dette møtet. Viktig at vi deltek. Dei som blir med melder det til kyrkjeverjen.

F 011 Tilsettingsprosess ny prost i Søre Sunnmøre

Vedlegg: *orientering om tilsetting av prost i Søre Sunnmøre prosti*

Prost Ingeborg Matre har annonsert at ho pensjonerer seg i starten av 2027. Det skal tilsetjast ny prost i møte i Møre bispedømeråd 08. juni 2026. Sokneråda har uttalerett og treng å legge saka inn i møteplanen.

2 valde representantar frå sokneråda i Søre Sunnmøre prosti kan delta i intervju

1 vald representant frå sokneråda i Søre Sunnmøre skal sitte i innstillingsrådet.

Kommentar: Får sak i SR- møte 29.04. Viktig for Ulstein å melde seg på i denne prosessen og at vi tek del på prostimøtet 25.02. i Ørsta når representant skal veljast.

S 012 Årsstatistikk for Ulstein sokn 2025

Vedlegg: *levert statistikk 2025 for Ulstein sokn*

20. januar var frist for å levere årsstatistikk til SSB. Tala vitnar om ein aktiv kyrkjelyd. Utdrag av talmaterialet blir referert i årsmeldinga og sett i forhold til tal frå tidlegare år.

S 013 Evaluering av julenattiné 2025

Vedlegg: *evaluering*

Det var 2 utselde framsyningar på Julenattiné 2025 i Ulstein kyrkje. Magne Grimstad har invitert dei mest sentrale personane bak julenattineen, kantor og kyrkjevevje til eit evalueringsmøte.

Det er semje om at det blei ein suksess. Magne Grimstad er open for å bli utfordra på nytt.

Kommentar: Konserten blei ein suksess, flott at barnekoret var med, fungerte fint, kunne vere litt fleire menn, litt større variasjon i sjanger, flott at billettprisen kom ned og likevel gav eit større overskot enn dei siste to år. God atmosfere blant muskarane og under øvingane. Magne Grimstad kan utfordrast på nytt, men kyrkjemusikkutvalet skal også stå fritt til å involvere andre.

S 014 Frivilligfest 5. mars 2026

Beate og Christfried har hatt møte for å planlegge festen. Dei orienterer om arbeidet i møte

Kommentar: Kyrkjevevjen orienterte: festen blir 05.03. kl. 19 – 21:00 på SUFH, det blir kakeselskap. Program: Frid & englekor, kåseri / takketale, andakt, bordkonkurranser, oliventrekors som gåve. Ber om eit bidrag til programmet frå soknerådet. Invitasjonen skal ut før vinterferien via sms, kyrkjevevjen deler lista over frivillige med sokneråd for å sjekke om vi ikkje gløymer nokon. Viktig å kommunisere at det er likeverdige open invitasjon som personleg invitasjon.

S 015 Overføring av gudstenester til institusjonane

Allereie frå haustsemesteret 2025 har det vore utfordringar med å overføre gudstenestene til institusjonane. Dette er eit tilbod dei som bur på institusjonane har etterlyst.

Utfordringa ligg på mottakarsida der teleoperatør ikkje klarer å levere signal til TV-ane. Service frå firma som har levert løysinga er dyr og klarer ikkje å levere ei fungerande løysing.

Systemet er noko tungvint og har for mange svake punkt når dei tekniske komponentane blir oppdaterte, bytta eller restarta etter straumbrudd.

Vi treng å fornye opplegget med ei stabil løysing vi kan stole på.

Kommentar: Berge ser på dei tekniske mulighetene særleg på mottakarsida og kjem tilbake med forslag til løysingar og eventuelle utfordringar. Om mogleg før påske.

S 016 Referat frå felles møte mellom stab og sokneråd 07.01.2026

Vedlegg: *stikkordreferat frå bordsamtale*

Kommentar: Viktig at impulsane blir plukka opp og jobba med vidare. Kan vi aktivisere litt meir folk som ikkje er så synlege i dag? Tilboda våre kunne gjerne vere litt meir på tvers av ulike grupper.

AU bør lage ei skriftleg bestilling til utvala med ein frist for å kunne ta konkrete forslag tilbake til soknerådet.

S 017 Referat frå arbeid i utval

Vedlegg: *referat frå møte i diakoniutval*
 referat frå møte i gudstenesteutval
 referat frå møte i kyrkjemusikkutval

Kommentar:

Diakoniutval: Aktivt arbeid med Ball & Bingo er ny tilvekst i 2025, rekruttering med litt fleire som kan ta kyrjekaffi har blitt meir utfordrande, vi bør sjå på kosthald også, treng å utfordre fleire.

Gudstenesteutval: Speidargudsteneste på Hatløya 14. juni.
Felles, økumenisk lovsongsfest 2. pinsedag, tettare samarbeid med ALIVE- festivalen.
Julegudstenester – 2 stappfulle gudstenester – kva gjer vi? Jobbar vidare med nokre idear.
Søndagsskule – kva kan vi gjere for å få nytt liv i dette arbeid? Kanskje vi bør opprette ei eiga ressursgruppe på det. Involvere allereie engasjerte personar.

Kyrkjemusikkutval: Flott arbeid med gode initiativ frå utval.

S 018 Innkalling til årsmøte i Kirkens SOS

Vedlegg: *innkalling til årsmøte i Kirkens SOS*

Mali Åm har vore Ulstein sokn sin faste kontakt for Kirkens SOS i mange år, men vervet har ikkje hatt representant sidan 2025. Det treng ikkje vere ein fast kontakt frå soknerådet som reiser til årsmøtet i Kirkens SOS, men det er fint om Ulsteinvik kunne både finne ein representant til årsmøtet og ein fast kontaktperson igjen.

Kommentar: Ein av dei som er i aktiv teneste som frivillige for Kirkens SOS bli utfordra til å vere ny kontaktperson.

Avklara i etterkant møte: Tor W Havåg seier ja til å verte soknet sin utsending på årsmøtet, men vil ikkje i denne omgang seie ja til å vere fast kontaktperson.

Ulsteinvik, den 18.02.2026

Odd Arne Vikebakk	Christfried Kaul
Leiar	Sekretær

F-SAK 2026/01 Fornyng av delegasjonsreglement

UTGREIING

Vedlegg: *utkast delegasjonsreglement 2026*

Ulstein kyrkjelege fellesråd har eit eit delegasjonsreglement utarbeidd på grunnlag av sentrale forskrifter for kyrkjeleg verksemd og Gravplasslova.

Delegasjonsreglementet skal bidra til effektiv forvaltning, klåre ansvarsforhold og forsvarleg internkontroll og skal bli revidert ein gong per valperiode.

Det vedlagde utkastet er utforma ved samanlikning med delegasjonsreglement i andre fellesråd og ved hjelp av KI.

FRAMLEGG TIL VEDTAK

Ulstein kyrkjelege fellesråd vedtek revidert delegasjonsreglement.

HANDSAMING

Ingen kommentar

VEDTAK

Ulstein kyrkjelege fellesråd vedtek revidert delegasjonsreglement.

F-SAK 2026/02 Fornyning av økonomireglement

UTGREIING

Vedlegg: *utkast økonomireglement 2026 med utheva endringar*

Økonomireglementet har ikkje blitt revidert sidan 2012. Forslaget til ein revidert version tek høgde for oppdaterte sentrale forskrifter og endra kontoplan for KOSTRA. Det er teke med punkt om habilitet, internkontroll og presiseringar for fullmakt til kyrkjeverje.

FRAMLEGG TIL VEDTAK

Ulstein kyrkjelege fellesråd vedtek revidert økonomireglement.

HANDSAMING

Ingen kommentar

VEDTAK

Ulstein kyrkjelege fellesråd vedtek revidert økonomireglement.

F-SAK 2026/03 Søknader frå gravplassarbeidarane om løysingar på Osnes gravplass

UTGREIING

Vedlegg: *søknad om flytting av klokkehuset ved gravplassen*
 problemomtale parkering ved gravplassen
 problemomtale handtering av overskotsmasser på gravplassen

Gravplassarbeidarane kjenner dei praktiske utfordringane ved drift av gravplassen best og det er positivt at dei setter ord på problemstillingar og dokumenterer desse.

Nokre av dei nemnte problemstillingane er lettare å finne løysingar på enn andre.

Administrasjonen har ikkje funna ferdige løysingar, men nokre løysingsforslag som til drøfting i fellesrådet.

1. Parkeringsutfordringar:

Utfordringa er virkelig til stades på fine sommardagar, men har dukka opp andre årstider også.

Eit forslag som har vore drøfta tidlegare er å setje opp skilt som regulerer parkeringa. Her treng ein å sjekke regelverket som regulerer faste eller midlertidig bruk av trafikkskilt. Spørsmålet knytt til dette er også korleis brot mot parkeringsbegrensingar vil bli handheva for at dette fungerer i praksis.

Eit anna forslag er å setje opp fysiske sperringar tidleg på dagen. Men desse vil også hindre besøkjande på gravplassen, som ikkje skal delta i gravlegginga å parkere nær kyrkjegarden.

2. Flytting av klokkehuset:

Utfordringa med klokkeringinga er til stades og krev ekstra personell for å overvinne distansen mellom grav og klokketårn.

Flytting av klokkehuset er eit ganske stort tiltak som krev eit eige prosjekt med byggesøknad og større ombygging av gravplassen. Graver som er i bruk vil kunne vere påverka av ei slik flytting og dette vil også økonomisk vere eit ganske stort løft. Eit forslag kan vere å setje opp eit klokkestøpul på ein plass nærare dei nye gravfelta. Også dette vil vere ei relativt krevjande løysing.

Forslaget frå kyrkjevevja er å anskaffe eit signalanlegg som gir tydelege signal over større distanser, eller ein enda betre løysing vil vere ei automatisk ringeanlegg som lar seg styre via fjernstyring på litt lengre avstand.

3. Handtering av overskotsmasser på gravplassen

Denne problemstillinga krev ei framtidsretta løysing som tek høgde for at det er stadig mindre område på gravplassen til å kunne lagre overskotsmasser midlartidig. I og med at gravene må etterfylles etter ei stund når jorda har sunka over graven, er det eit behov for å ha eit område på gravplassen der slike masser kan lagrast midlertidig. Men noko av jord vil vere til overs og treng å bli handtert.

Forslaget om å innhente informasjon og forslag frå statsforvaltar eller gravplassmynde i andre kommuner er ein god start for å starte ein god prosess.

FRAMLEGG TIL VEDTAK

Ulstein kyrkjelege fellesråd ber administrasjonen om å gå i dialog med Ulstein kommune for å finne tenlege løysingar for parkeringsutfordringane.

Ulstein kyrkjelege fellesråd ber administrasjonen om å hente inn tilbod for eit automatisk ringeanlegg på kyrkjegarden eller alternativt finne ei teknisk løysing for signalgjeving som klarer distansen.

Ulstein kyrkjelege fellesråd ber administrasjonen om å hente inn ekspertise for handtering av overskotsmasser på gravplassen og deretter utarbeide eit løysingsforslag handtering av overskotsmasser på Osnes kyrkjegard.

HANDSAMING

Til punkt 3: Kyrkjeverje refererer til oppstartsmøte med entreprenør for arbeid med namna minnelund og løysingsforslag for handtering av masser i permanent deponi. Førespurnad sendt til Statsforvaltar.

Til punkt 2: Det er allereie gjort søk på markedet om tekniske løysingar for overføring av signal over lengre distansar. Ein reknar med å finne ei snarleg løysing.

Til punkt 1: Kyrkjeverje tek kontakt med teknisk etat for å drøfte gode løysingar

VEDTAK

Ulstein kyrkjelege fellesråd ber administrasjonen om å gå i dialog med Ulstein kommune for å finne tenlege løysingar for parkeringsutfordringane.

Ulstein kyrkjelege fellesråd ber administrasjonen om å hente inn tilbod for eit automatisk ringeanlegg på kyrkjegarden eller alternativt finne ei teknisk løysing for signalgjeving som klarer distansen.

Ulstein kyrkjelege fellesråd ber administrasjonen om å hente inn faglege råd for handtering av overskotsmasser på gravplassen og deretter utarbeide eit løysingsforslag handtering av overskotsmasser på Osnes kyrkjegard.

F-SAK 2026/04 Val av kyrkjeverjer til digitaliseringsutval

UTGREIING

Vedlegg:

*Informasjon om val
kandidatliste*

Digitaliseringsutvalget i Den norske kyrkja vil erstatte dagens digitaliseringsstyre, og skal organisere og samordne digitaliseringsarbeidet i Den norske kirke. Digitaliseringsutvalget beslutter hvilke løsninger som er fellesløsninger og skal sikre effekt av arbeidet i tråd med kirkens behov.

Digitaliseringsarbeidet skal bidra til å gjøre kirken mer tilgjengelig for alle som bruker kirken, og gjøre medarbeidernes hverdag enklere.

Alle fellesråd og menighetsråd med fellesrådsfunksjoner (heretter fellesråd) er bedt om å avgi stemme i valget av fem faste kirkeverger som medlemmer av digitaliseringsutvalget og seks varamedlemmer. Valgperioden er på 3 år.

Kandidatane frå store fellesråd: Mette Svanes (Bergen), Kjell Inge Nordgård (Trondheim), Bård Andreas Bårdsen (Moss), Andreas Andersen (Kristiansand)

Kandidatane frå mellomstore fellesråd: Line Langsethy Bakkum (Gjøvik), Gunnar Bjorland Stone (Sola), Børge Lund (Sør-Innhgerad), Øystein Ramstad (Lindesnes), Amund Gillebø Nannestad), Håvard Russnes (Notodden), Jan Einar Bjerke Hals (Larvik), Petter Vesterås (Inderøy), Stein Robert Osdal (Haugesund), Vegar Godø Slørdal (Melhus)

Kandidatane på lite fellesråd: Monica Finden (Aurland), Arild Hammeren (Berlevåg), Tore Ellefsen (Grue) Jostein Bildøy (Hareid)

FRAMLEGG TIL VEDTAK

Ulstein kyrkjelege fellesråd gjennomfører skriftleg val i sitt møte 11. februar 2026

HANDSAMING

Det blir foreslått at FR kan ifølge informasjonsskrivet delegere til FR- leiar til å røyste på vegne av fellesrådet.

VEDTAK

Ulstein kyrkjelege fellesråd gir fellesrådsleiar mynde til å røyste på vegne av Ulstein kyrkjelege fellesråd. FR- leiaren kan rådføre seg med kyrkjeverje.

S-SAK 2026/05 Årsmelding Ulstein sokn 2025

UTGREIING

Vedlegg: *utkast til årsmelding 2025*

Staben i Ulstein har oppsummert året 2025 i soknet si årsmelding og legger den fram for soknerådet til godkjenning. Rekneskapen er ikkje avslutta per 04.02. 2026, og kapittelet om økonomi treng å bli oppdatert etter det.

Både årsmelding og rekneskapen skal godkjennast av Ulstein sokneråd, og etter det blir sendt til revisor. Etter at revisjonsmeldinga ligg føre kan årsmeldinga publiserast, og det kan kallast inn til årsmøte.

Mindre redaksjonelle endringar og designjusteringar kan bli gjort fram mot publiseringa.

FRAMLEGG TIL VEDTAK

Saka blir lagt fram utan framlegg til vedtak

HANDSAMING

Kommentar til årsmeldinga:

- Sjekk SSB- tal 4. kvartal 2025 for folketal i Ulstein (tala kjem 20. februar)
- Saknar litt at menn 30-50 er synleg i arbeidet vårt
- Litt uoversiktlig mange tal i tabellen med gudsteneste, sokneprest gir forslag til kutt
- Få med at den gamle samarien til Atle Hopland blei gitt i gåve til Ulstein kyrkje
- Svært oppløftande å lese om det flotte arbeid Ulstein kyrkje driv
- Det er gode tal Ulstein kyrkje kan vise til
- Soknerådsleiar vil skrive eit forord
- Økonomitabellen blir satt inn når rekneskapen er klar

VEDTAK

Ulstein sokneråd er glad og takknemling for det omfattende arbeidet tilsette og frivillige legg ned i Ulstein sokn.

Ulstein sokneråd godkjenner årsmeldinga for 2025 slik den er presentert og ber administrasjonen om å korrekturlese årsmeldinga, gjere redaksjonelle endringar etter behov og innarbeide dei endringane som er kome fram gjennom saksutgreiing og handsaming i møte.

S-SAK 2026/06 Endring møtedatoar for Ulstein sokneråd våren 2026

UTGREIING

Ulstein sokneråd / Ulstein kyrkjelege fellesråd har i sitt møte 26.11.2025 i sak S-2025/36 vedtatt følgjande møteplan:

07. januar, saman med stab
11. februar
11. mars
25.mars (årsmøte – alternativ dato: 12. april)
29. april
27. mai

På grunn av avtaler i semesterplan og arbeidsplan til enkelte sentrale tilsette har AU drøfta endring av to datoar og ønskjer også å sette inn den første datoen etter sommarferien. AU foreslår følgjande møteplan

07. januar, saman med stab
11. februar
11. mars
24.mars (torsdag) årsmøte – alternativ dato: 12. april
29. april
04. juni
02. september

FRAMLEGG TIL VEDTAK

Saka blir lagt fram utan framlegg til vedtak.

HANDSAMING

Det er fordeler og ulemper med årsmøte på ein vekekveld, men det er det også med årsmøte. Det er best å gjennomføre årsmøtet før 1. april.

VEDTAK

Ulstein sokneråd vedtek følgjande møteplan:

11. mars
24.mars (torsdag) årsmøte – alternativ dato: 12. april – dersom det oppstår forsinkingar.
29. april
04. juni
02. september